

Tasiilami innuttaasut suliffeqanngitsut paaqqinninnermi isumassuinermillu immikkoortorta qarfimmi sulilersinnaanissaannut qaffasaanissamut immikkut suliaqartussanik pilersitsinissamut Naalakkersuisut peqquneqarnissaannik Inatsisartut aaliangiiffigisassaattut siunnersuut. Immikkut suliaqarnissaq sukkanerpaamik aallarnisarneqassaaq nunarpullu tamakkerlugu atuutilersinneqarnissaa siunertaralugu ataavartumik nalilersorneqartassalluni.

(Anna Wangenheim, Demokraatit)

Akissuteqaat

(Isumaginninnermut, Suliffeqarnermut Nunamullu Namminermut Naalakkersuisoqarfik)

Siullermeerneqarnera

Naalakkersuisut Anna Wangenheim-ip Inatsisartut aalajangiiffigisassaattut siunnersuutaanut qujapput, Tasiilami innuttanut suliffeqanngitsunut paaqqinninnermi isumassuinermillu immikkoortorta qarfimmi sulilersinnaanissaannut qaffasaanissamut immikkut suliaqartussanik pilersitsinissamut Naalakkersuisut peqquneqarnissaannik aammalu ataavartumik nalilersorneqartarnissaannut tunngasumut.

Naalakkersuisut ukiorpassuarni Inuussutissarsiornermik Ilinniarfiit suleqatigalugit piginnaasanik ineriartortitsiviusumik pikkorissaapput. PKU-nik pikkorissaanerit siunertarivaat innuttaasut inuussutissarsiornermik immikkoortuni ingerlanerliortunut tunngasumi pikkorissarneqarnissaat suliffissaaleqineq appararniarlugu, aammalu suliffeqarfiit amigaatigisaannik sulisinnaasunik tulluarsaanissaq. Pikkorissaanerit suliffeqarnermut tunngapput.

Naalakkersuisut piviusunngortippaat tapersersorpaallu piginnaasanik ineriartortitsiviusumik pikkorissaanerit sulisinnaasunik sulisunillu isumaginninnermut peqqissaanermullu immikkoortorta qarfimmi inuussutissarsiornermik ilinniarfeqarfiit Peqqissaanermik Ilinniarfik aammalu Perorsaanermik Ilinniarfik aqutigalugit.

Ataasiartut sivikitsuni imaluunniit nangittut ilinniagalittulli allagartartaarfiunngitsuni pikkorissaanerit arlallit ingerlanneqartarput Perorsaanermut Ilinniarfimmi, taakkulu assigiinngitsunik ima qarput perorsaanermut paaqqutarinninnermut tunngasut.

Namminersorerullutik Oqartussat nalunaarutaannik piumasaqaatini ilassutuliineq ima paasineqassaaq pikkorissartoq ilinniagaqarsimanngitsuussammat. Misilittakkanik naliliiffigitinnertalimmik pikkorissaaneq piviusunngortinneqartarpoq Naalakkersuisoqarfiit akimorlugit suleqatigiinnertigut Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfik aammalu Isumaginninnikkut, Suliffeqarnikkut Nunamullu Namminermut Naalakkersuisoqarfik inuussutissartiunik ilinniarfik peqatigalugu suleqatigiinnerisigut.

Inuussutissarsiutinik ilinniarfinni anguniarneqartuartaarpoq, ukiumut hold-it aallartittussanngoraangata aamma tunumiit ilaasoqartassasoq. Assersuutigalugu maannakkut ingerlanneqartumik tarnikkut nappaatilinnik peqqissaanermi tapersersortinut misilittakkanik naliliiffigitinnertalimmik pikkorissaanermi iluatsinneqarpoq Tasiilameersunik pikkorissartoqarnera.

Misilittakkanik naliliiffigitinnertalimmik pikkorissartissinnaneq inatsisitigut maleruagassaqarpoq aammalu ilinniarsimangitsunut 30-leereersimasunut suliamut tunngassutilimmut suliffeqartunut naatsorsuussaalluni.

Naalakkersuisut inuussutissarsiutinut ilinniartoqarfiillu akornanni naammassisassatut isumaqatigiissuteqarnerata kingunerivaa, ilinniartoqarfiit aaqqissuussilluarsinnammata, ilinniartoqarfiit namminerimi ilinniartitsisui tamakkiisumik ilinniartitsorineqarlutik aammalu pikkorissaanissamut inerisaanissamut periarfissaqarnerulerlutik.

Inatsisartunut aaliangiussassanngorlugu siunnersuut Tasiilami innuttanut peqqissaanerup paaqqinninnerullu iluani sulisinnaanngorsarlugit suliffeqanngitsunut pikkorissaanissamut tunngasuvoq. Sinaakkutit maleruagassat malillugit pineqartut nalinginnaasunut piginnaasanik ineriartortitsiviusumik pikkorissaanernut ilaasinnaatitaareerput, kisiannili misilittakkanik aaliangiiffigitinnertalimmik pikkorissaanernut ilaasinnaatitaanatik.

Suliffeqarfiit paaqqinninnermik peqqissaanermillu isumaginniffiusut, nammineerlutik akilikkaminnik suliakkiinerisigut periarfissaqarput ilinniartoqarfinni pikkorissaatitsinissaminnut, nuna tamakkerlugu aaqqissuussaasut aqutiginngikkaluarlugit.

Saniatigut Tasiilamut tunngasumik qanutut ilinniartitaaneq, piginnaasanillu inerisaaviusumik pikkorissaaneq sukumiinerusoq anguneqarnissaanik periaatsimik ujartuisumik siunertaqartumik aamma Naalakkersuisut suliniuteqarput. Tassunga tunngatillugu suleqatigiissitaliat Naalakkersuisoqarfiit akimorlugit suleqatigiinnerat ingerlavoq.

Tamanna tunngavigalugu Naalakkersuisut allannguutissatut siunnersuummik imaattumik saqqummiussaqaqarput:

“Naalakkersuisut pisussaaffilerneqassasut, piginnaasanik ineriartortitsinissamut siunnersuusiorneq ikkutissagaat peqqissaanermut isumaginninnerullu iluani, Tasiilami ilinniarnernulernissamut sulilernerulernissamullu tunngatillugu suleqatigiissitamut, una siunertarineqarluni suliniutit ingerlanneqareersunut tamakkiisumik isiginnittumik nalilersuereernimmi suliniutinut siunnersuineq pissasoq.”